

西安曲江文化產業投資集團支持

四部文明

文懷沙主編

隋唐文明卷



(十二)

陝西震旦漢唐研究院 編纂
陝西人民出版社

Z42

1

(4:12)

四部文庫

隋唐文明卷

文懷沙主編

十二

陝西震旦漢唐研究院編纂
陝西人民出版社



隋唐文明

第十二卷目錄

唐代譜牒科舉職官名錄書匯二

郎官石柱題名考二十六卷

〔清〕趙鉞勞格撰 三

元和姓纂十卷

〔唐〕林寶撰 五〇三

元和姓纂校勘記二卷佚文一卷

〔民國〕羅振玉撰 七六五

唐代譜牒科舉職官名錄書匯

二



[清]趙 鉞 [清]勞 格撰

郎官石柱
題名考

景印清光緒丁氏刻
月河精舍叢鈔本

仁和趙星甫太史撰尚書省郎官石柱題名
攷甫屬稿自度未及成書即付託勞季言先
生續補成之季言熟於唐代典故廣搜事實詳
加攷證以視王氏金石萃編增多十數倍無考者百
九十餘人各部補遺得六百廿四人補輯禮膳兩部共
得二百十一人採摭繁富蔚為巨觀其見於舊新
兩書者足以校史傳之異同其不見於新舊兩書者
足以羽翼史傳之未備羣書所引姓氏筆畫小異
間有之未敢遽遷就改異今存其原文以備參攷
季言初創此稿隨得隨錄以蠅頭細字書于殘冊

序

其兄青子先生以為非子莫能辨也子乃窮數年
之力繕寫清本編為廿六卷刊成與御史精舍臺
題名考相輔而行予於故人之誼無遺憾矣惜乎
勞氏所見天下郡縣志未徧唐人碑版又日出不
窮萬一有遺漏是所望于後人採取補正焉光
緒十年甲申七月歸安丁寶書序

歸安邑虎臣書

唐尚書省郎官石柱題名考卷首

例言

唐尚書省左右司郎中員外郎及六部二十四司郎中員外郎皆有廳壁記以記其遷任罷斥之年月又刻其姓名於二石柱今壁記已佚石柱又闕其一僅存左司郎官及左三行十二司郎官而已又多漫漶磨滅王趙二家所載亦多誤謬今細審石本詳爲訂正案柱凡八面第一面上截僅存末行大中十二年十一月十二日書石柱記左司郎中唐技一行細審又有光被諸字隱隱可辨考陳九言序有至德光被一語則上截當是陳序王氏以爲序記別

郎官石柱題名考卷首

例言

一月河精舍叢鈔

勒于碑誤也下截左司郎中左司員外郎題名第二面吏部郎中吏部員外郎司封郎中司封員外郎題名第三面司勳郎中司勳員外郎考功郎中考功員外郎題名第四面戶部郎中戶部員外郎度支郎中度支員外郎題名第五面金部郎中金部員外郎倉部郎中倉部員外郎題名第六面上截已闕當是禮部郎中禮部員外郎下截祠部郎中祠部員外郎題名第七面上截亦闕當是膳部郎中膳部員外郎下截主客郎中主客員外郎題名王趙二本次序淆亂說詳下今悉依舊新書職官志訂正以復其朔云一石柱唐時凡三刻石初刻於開元廿九年陳九言撰序

張旭書再刻於貞元中許孟容撰後序劉寬夫隸書三刻於大中十二年當亦有記序惜已殘闕不可得見案初刻左旋陳序云斷自開元廿九年蓋石柱立於是年故郎官題名亦以是年爲斷王氏以爲斷自開元廿九年始說殊舛誤重刻始改右旋而磨改之處尙隱隱可辨細驗左司初刻重刻俱同是一面尙存左外韋成季趙匡等七人名吏部司封一面係初刻膳部主客二司末行尙存膳部郎中諸字司勳考功一面係初刻禮部祠部二司尙存禮部郎中何敬之薛綰等姓名戶部度支一面係初刻金部倉部二司金部倉部一面係初刻戶部度支二司禮部祠

郎官石柱題名考卷首

例言

二月河精舍叢鈔

部一面係初刻司勳考功二司膳部主客一面係初刻吏部司封二司尙存封外口嶠朱前疑等六人姓名每行比重刻者高寸許字形亦較重刻者稍大王趙未知石凡三刻以致重出疊亂此非細驗石刻不能辨也一題名石已中斷未審於何年重立重立時誤移上二面故上下二截曹司各別王趙二書不爲審正因誤以考中考外蒙上作左中倉中蒙上作考中祠中蒙上作度中主中蒙上作倉中致與諸書所載牴牾不合今細案闕紋爲之訂正

一石刻題名雖依壁記爲次然所載姓名次序亦不甚合

又石刻立于大中十一年而每司題名約其時代當在僖宗乾符時蓋令史續書字跡亦比前較多至廣明以迄天祐郎官原未刊石非闕佚也

一左司及十二司郎官惟左外吏外勳中戶外金中金外祠外主外諸司尙爲完好餘如左中倉中祠中主中則闕上載考中考外度中度外倉外則下載已多殘闕吏中封中中有數行亦已磨滅不可辨識禮膳二司全行殘闕禮中僅存初刻數人說已見前又吏部一司字畫比每諸司差小亦以員數稍多故耳

一石刻所列郎官姓名凡有專傳可考而歷官與石刻合

郎官石柱題名考卷首 例言 三月河精舍叢鈔

者則僅列其里居姓氏由某官遷後轉某官生平事迹概不詳載惟有涉及本司者始爲甄錄或本傳不載是官而別見於他傳及諸書者則列於本傳之後間有軼事爲本傳所失載者并附存之其無傳者始詳考其生平所歷之官職事迹人品之善惡按其先後略爲編次俾尙論者有可稽考亦補傳之體也

一郎官姓名凡石刻殘闕以及未補刻者參考本傳及諸書廣爲引證按其時代彙爲補遺列於每司之後或有云嘗歷某司而實舛誤者則詳引以糾其謬列之附存附之補遺之後

一唐代官職有職事官有散官貞觀令凡散官高者稱行職事官高者稱寺見職官志而又有稱檢校者石抱忠檢校天官郎中石刻嵩陽觀紀聖德感應頌徐浩結銜有稱判者石刻千福寺大夫檢校尚書金部員外郎是也唐志云員外判試銜稱朝議郎判尚書武部員外郎是也

故稱此以別之未實授而實辦本職故金外有徐浩名中葉以後藩鎮從事往往檢校郎官而實未嘗至省故傳中每以還朝二字別之則與前所稱檢校者名雖同而實異考舊書陳少遊傳充使檢校郎官自少遊始也新傳同談賓錄所載亦同太平廣記二百三十九引云寶應元年入爲金部員外郎

郎官石柱題名考卷首 例言 四月河精舍叢鈔

尋授侍御史迴紇糧料使改檢校職方員外郎則檢校銜始於代宗朝今自代宗以後所稱檢校郎官悉不載入又唐自肅宗以前凡除郎官而未到省者亦列其名如張巡傳巡由貞源令授主客郎中兼御史中丞實未蒞職而石刻尙載巡名是其證也此前人所未及考者今皆參互考證而詳列之

一唐初所置行臺尙書省六部諸司雖不備置而實有郎官職事然究是外任故石刻不列其名如杜如晦爲行臺司勳郎中見舊唐書太宗紀房玄齡于志寧爲記室考功郎中見太宗置文館學士教王于貞爲行臺倉部郎中見新唐書宰相世系表今石刻無四或據舊書外戚傳地理志皆稱陝東道行臺金人名可證

部郎中長孫操而石刻首列操名為疑案新書操傳云高祖辟署金曹參軍考高祖開大丞相府時所辟諸曹參軍悉擬隋朝省官受禪以後即以爲本司郎官陳子良爲王季卿與王仁壽書云宋國公子懷廓今任光祿大夫相府禮曹參軍而元和姓纂則稱禮部郎中則操亦由金曹參軍爲金部郎中又出爲陝東道行臺金部郎中爾宰相世系表止稱金部郎中不云行臺亦其一證故行臺郎官補遺悉不登載

一郎官姓名或有與他官同姓名者則必考其世系核其時代以決其是非即有不可考者亦兩存之以待考其有

郎官石柱題名考卷首 例言 五月河精舍叢鈔

同官郎署而姓名相同者如吏中補之李元素與吏外勳外戶中左中之李元素左中吏主中之崔瑄別是一人又有同在一曹而郡望互異者如中戶中之李異趙郡人左中補之李異係宗室隴西人有同姓名而或以字行者如左中有李誠而考中補之李誠以字元成行有韓瞻無考而唐末皆詳考其本末以注於下如此之類率非一端略舉一二以志梗概

一郎官題名青浦王少寇永仁和趙明經魏俱錄有全文王本刻入金石萃編趙本刻入讀書齋叢書少寇又著考一卷附後所據僅舊新兩書及全唐詩傳而止掛一漏百誤謬宏多即曹司次序先後倒置至以左司殿主客之後考中蒙左中之名又

於石刻曼患處不復詳爲審定以致多所脫佚蓋萃編定於少寇暮年是時患目疾請碑跋語類出於門下士所爲援引疏漏殊難僕數非獨此考爲然今不復爲之指摘於其所闕者僅注云王本闕而已

郎官石柱題名考卷首 例言 六月河精舍叢鈔

尙書省郎官石記序

朝散大夫行右司員外郎陳九言撰

吳郡張旭書

夫上天垂象北極著於文昌先王建邦南宮列爲會府六官既辯四方是則大總其綱小持其要禮樂刑政於是乎達而王道備矣聖上至德光被睿謀廣運提大象以祐生人躬無爲以風天下三台洞曜百辟承靈動必有成舉無遺策年和俗厚千載一時而猶搜擇茂異網羅俊逸野磬蘭芳林殫松秀盡在於周行矣夫尙書郎廿四司凡六十一人上應星緯中比神仙咸擅國華以成臺妙修詞致天

郎官石柱題名考 序 一

一之議伏奏爲朝廷之容信杞梓之藪澤衣冠之領袖頃朝榮初拜或省美中遷昇降年名各書廳壁訛誤多矣總載闕如非所以傳故實示不朽者矣今諸公六聯同事三署並時排金門韓華轂鸞踰鳳跼肩隨武接而不因僉謀補其闕典其於義也無乃太簡乎左司郎中楊公慎餘於是合清論創新規徵追琢之良工伐口藍之美石刊刻爲記建於都省之南榮斷自開元廿九年咸列名于次且往者不可及來者不可遺非貴自我蓋取隨時班位以序昭其度也豐約從宜昭其儉也俾夫金石長固英華靡絕不編班固口口自然成表未識馬卿之賦已辯同時不其偉

跋

開元廿九年歲次辛巳十月戊寅朔二日己卯建

古人稱長史得草聖不傳之妙豈知眞書在唐爲一代精絕所謂能行而後善走者也魯公書學氣侔造化眞楷得法多自公始郎官帖精絕爲至舊刻在京兆今亡或云淪瘞廳事址下近從李衡得墨本文蓋丞相壽國高公故家置者累旬眞希代寶也十有三年

王惲秋澗集跋
郎官石柱記後

尙書省郎官石記序陳九言撰張顛書記自開元二十

郎官石柱題名考 序 二

九年郎官石名氏爲此序張顛草書見於世者其縱放奇怪近世未有而此序獨楷字精勁嚴重出於自然如動容周旋中禮非強爲者書一藝耳至於極者迺能如此其楷字蓋罕見於世則此序尤爲可貴也
古今法書苑
長史郎官壁記世無別本惟王奉常敬美有之陳仲醇摹以寄予知學草必自眞入也
並其書跋

唐尙書省郎官石柱題名考

目錄

卷一 左司郎中 闕

卷二 左司員外郎

卷三 吏部郎中

卷四 吏部員外郎

卷五 司封郎中

卷六 司封員外郎

卷七 司勳郎中

卷八 司勳員外郎

郎官石柱題名考 目錄 一月河精舍叢鈔

卷九 考功郎中 闕 舊誤左 中今改正

卷十 考功員外郎 闕 舊誤左 中今改正

卷十一 戶部郎中

卷十二 戶部員外郎

卷十三 度支郎中 闕

卷十四 度支員外郎 闕

卷十五 金部郎中

卷十六 金部員外郎

卷十七 倉部郎中 闕 舊誤考 中今改正

卷十八 倉部員外郎 闕

卷十九 禮部郎中 全闕 今補

卷二十 禮部員外郎 全闕 今補

卷二十一 祠部郎中 闕 舊誤度 中今改正

卷二十二 祠部員外郎

卷二十三 膳部郎中 全闕 今補

卷二十四 膳部員外郎 全闕 今補

卷二十五 主客郎中 闕 舊誤倉 中今改正

卷二十六 主客員外郎

郎官石柱題名考 目錄 二月河精舍叢鈔

唐尚書省郎官石柱題名考卷一

仁和勞格著 歸安丁寶書編次
趙鉞

左司郎中

唐六典吏部尚書其屬有左司郎中一人右司郎中一人並從五品上龍朔二年改為左右丞務咸亨元年復舊唐書職官志尚

書都省屬左右丞各一員左右司郎中各一員左司郎

中副左丞所管諸司事省署鈔目勘稽失知省內宿直

之事若右司郎中闕則併行之新書

石口口節 薛口 裴方產 段機 劉翁勃

郎官石柱題名考卷一 左中目一 月河精舍叢鈔

王儼 李守約 李守一 崔行功 崔承福

李思順 侯味虛 張知泰 李守敬 徐有功

房昶 趙誼 陸餘慶 閻育止 夏侯岷

韋玢 孔仲思 馮思邕 唐紹 魏奉古

李誠 竇從之 張敬輿 夏侯宜 韋叔昂

高昇 鄭倩之 韋伯詳 劉彥回 韋見素

楊慎餘 韋虛舟 張具瞻 崔諱 陳樹

蕭晉用 楊恂 鄭璲 裴從 姚喬柳

裴誚 杯琨 韋寂 張齊明 蔣將明

盧恭 呂頌 李異 奚陟 陸淳

宇文逸 李元素 韋成季 苗榮 呂元膺

崔郎 劉遵古 韋審規 樊宗師 殷台

豆盧署 獨孤朋 鄭肅 趙元亮 高元裕

鄭居中 李讓夷 何耽 李師稷 崔復本

高少逸 崔瑄 韋充 鄭亞 崔駢

崔璵 薛廷範 路綰 韋博 柳喜

裴寅 盧耽 韋退之 李蟬 鄭彥弘

孟穆 薛廷望 李絨 崔瑑 張鐸

李琨 李晦 李繪 李瞻 李嶽

崔寓 孫徽 王鐸 李燭 張旻逸

郎官石柱題名考卷一 左中目一 月河精舍叢鈔

夏侯潭 口應物 唐技

遺補杜超 崔義玄 李公淹 封道弘 邱懷道

鄭植 鄭世斌 裴思義 王本立 李懋道

溫翁念 喬知之 崔齊之 王旭 蘇詵

韋拯 裴寬 陽伯成 馬光淑 杜損

李審 李喬年 鄭令璉 鄭成家 魏少游

李異 盧振 蕭定 丘鴻漸 庾何

獨孤恂 嚴況 盧羣 楊凝 趙需

武元衡 鄭敬 崔蒨 辛祕 陸則

韋弘景 庾敬休 李肇 溫造 楊虞卿

張又新	孫簡	姚勗	楊發	豆盧籍
崔原	鄭綰	楊贊禹	陸愿	孫濟
劉植	劉居簡	樊慶德		
裴珣				

郎官石柱題名考卷一 左目三

勞檢丁士謬校字

月河精舍叢鈔

唐尚書省郎官石柱題名考卷第一

□□節鉞案疑是字文節節見史中吏外勳中

薛□鉞案疑是薛述見史中勳中

裴方產 新書宰相世系表中齊裴氏祥曾孫方產右司

郎中

段機 元和姓纂段孝機中書舍人格案時代正合疑即是人

劉翁勃又戶 元和姓纂十八 劉通國生翁彥見金 勃勃

不詳歷官案時代正合疑即是人

王儼又史中勳外 考外 新表京兆王氏隋柱國龍門莊公

述孫儼工部侍郎

郎官石柱題名考卷一 左中 一月河精舍叢鈔

李守約無考

李守一又度 新表隴西李氏武陽房右衛大將軍武陽

懿公大亮子守一庫部員外郎 宗室世系表上 蔡王

房宗正少卿通元子守一開封令案時代不合 又蜀王房

眉州刺史義節子守一冀州別駕 又趙郡李氏南祖

續後高宗相敬元子守一成都郎令舊李紳傳新敬元傳同 蘇

頤授李守一別駕等制稱皇三從兄前洛州司馬守一

等文苑英華四百十四

崔行功又史中勳外 主外 新表博陵大房崔氏長安令綜

子行功秘書監 舊文苑傳上行功恆州并陘人高宗



時累轉吏部郎中嘗兼通事舍人內供奉坐事貶為游安令新文藝傳同唐會要二十顯慶四年二月二十八日

引諸色目舉人謁見下詔策問之凡九百人李巢張九齡秦相如見吏中崔行功郭封五人為上第令待詔宏文館每坐日令五人隨仗供奉又六十貞觀二十年閏三月四日詔更撰舊書主客員外郎崔行功等分功撰錄

崔承福 新表博陵第二房崔氏後魏司徒挺後信都太守仲方孫令子承福越廣二州都督唐會稽太守題名記永淳二年二月十六日

志二年作三年郎官石柱題名考卷一左中二月河精舍叢鈔

書致仕上柱國中山郡開國公食邑二千戶贈陝州大都督博陵崔公世系表名行狀曾祖諱承福皇朝太中大

夫廣越二府都督呂衡州文集五

李思順 新表蔣王房建甯郡公休道子据初名思順中山郡王舊蔣王傳作瑒是又見趙王福傳

侯味虛又左外戶中補元和姓纂十九夏官郎中侯味虛原誤

今改絳郡人舊書良吏薛季昶傳萬歲通天元年夏官郎中侯味虛統兵討契丹不利奏言賊徒熾盛常有蛇虎尊其軍則天命季昶按驗其狀馳至軍斬味虛以

聞新傳新書杜景佺傳秋官員外郎杜景佺與侍郎陸元方按員外郎侯味虛罪已推輒釋之朝野僉謂戶部郎中侯味虛著百官本草太平廣記二百五十五

張知泰 舊書良吏張知泰傳見度中弟知泰明經擢第調露後歷臺省通天中為洛州司馬尋為夏官地官侍郎新傳武后時歷

益州長史中臺左丞兵部侍郎封陳留縣公

李守敬無考新表徐氏王屋令士安子有功字宏敏秋官侍郎新傳名弘敏避孝敬皇帝諱以字行舊傳舉明經詔封東莞男

載初元年累遷司刑丞尋轉秋官員外郎轉郎中坐出反囚免官久之起為左臺侍御史除名為庶人尋起為左司郎中累遷司刑少卿新傳自司刑丞累轉秋官郎中免官俄起為左肅政臺侍

御史免為民起拜左司郎中轉司刑少卿李嶠授徐有功司刑少卿制中散大夫行文昌左司郎中東苑縣開國男徐有功繩準

憲曹樞機會府咸歸平恕雅有聲績文苑英華三百九十八

房昶又戶外新表河南房氏武后相融子肅宗相瑄弟見主

昶中書侍郎新書韋湊傳觀察使房昶才資州司兵韋湊表于朝韋述唐太原節度使韋湊神道碑延載元年廉察使房昶上表聞薦文苑英華九百十四